



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum, quàm recentiorum placitis complectentia. Opus methodo novâ, & clarâ in tres digestum Partes ... accuratè, ac copiosè instructae

De Vacatione, Amissione, Et Extinctione Beneficiorvm ...

Leuren, Peter

Coloniæ Agrippinæ, 1704

963. Quid hîc veniat nomine alterationis, seu mutationis beneficiorum.

[urn:nbn:de:hbz:466:1-74494](https://nbn-resolving.org/urn:nbn:de:hbz:466:1-74494)

catuſ Rector conſentire noluerit, poſſit Episcopuſ eo etiam invito, ubi adeſt juſta cauſa, procedere ad diuiſionem. De Parochianorum conſenſu non requirendo facilitis admittitur, quod tradit *ibid.* Caſtrop. Hoc bene ſubjungit Caſtrop. n. 6. ex *Barboſ. ad cit. loc. Trid. nu. 4.* poſſe tamen Rectorem, uti & Parochianos à decreto diuiſionis, & erectionis novæ factæ per Episcopum, etiam tanquam Sedis Apoſtolicæ delegatum, appellare, ita ut hæc appellatio neceſſariò interponenda ſit apud Sedem Apoſtolicam, ubi Episcopuſ diuiſionem fecit tanquam Sedis Apoſtolicæ delegatus. Si verò aut Ordinarius proceſſit, appellatio interponi poſſit coram Metropolitanis; habituram autem appellationem effectum non ſuſpenſivum, ſed devolutivum, ait *ibid.* Caſtrop. Argumento *c. ad audiendum. de Eccl. adif.*

Quæſtio 960. An, & qualiter Episcopuſ facere poſſit diuiſionem?

Rpondeo primò: Utrique præcedente conditione ſervatâ, accedente etiam juſta cauſa, Eccleſiarum ſibi ſubjectarum diuiſionem facere poſſit Episcopuſ, ut colligitur ſatis ex *Trid. ſeſſ. 21. c. 4.* Caſtrop. *loc. cit. n. 3.*
 2. Rpondeo ſecundò: In Eccleſia tamen Collegiata numerata, hoc eſt habente certum numerum & determinatum præbendarum ſectionem Canoniarum ad effectum augendi numerum Præbendarum ſeu Canonicorum facere non poſſit Episcopuſ, dum numerus ille certus ſemel ſtatutus eſſet auctoritate ſummi Pontificis; quia talis numerus ſine auctoritate Papæ alterari, adeoque nec augeri dividendo, nec minui ſupprimendo præbendas poſſit. *Lott. cit. q. 28. n. 55. & 56. citatus Jo. And. in c. cum acceſſiſſent. nu. 19. de Conſtit.* Quod tamen intelligendum ſubjungit *Lott. n. 57.* niſi ex poſt fructus excreverint, vel decreverint, ut *Abb. in cit. c. cum acceſſiſſent. nu. 4. & Felin. nu. 17.* Illud etiam notandum, quod ait *Lott. loc. cit. n. 60.* nempe quòd, dum requiritur, ut concurrat conſenſus Capituli pro tali alteratione ſtatûs Eccleſiæ, quæ contingit per talem diuiſionem aut ſuppreſſionem, illud referendum ſit ad Prælatum Superiorem illius Capituli; eò quòd Capitulum nunquam ex ſe id poſſit, ſed omnino requiratur auctoritas Episcopii. Si tamen Episcopuſ non ſit de Capitulo, vel habeat bona communia cum ipſo Capitulo, tunc enim exigatur auctoritas Metropolitanæ, vel Papæ, ut *Jo. And. loc. cit.*

Quæſtio 961. Qua de cauſa, & qualiter diuiſio Diœceſis cum erectione novæ Cathedralis fieri, & permitti poſſit?

Rpondeo: Dum ex diœceſis amplitudine, & itineris aſperitate difficile, nimumque incommodum redditur paſtori, oves ſtatutis temporibus viſitare, recognoscere; iſiſque ovibus paſtorem adire, juſtam cenſeri cauſam faciendi diuiſionem diœceſium, ait *Card. de Luc. in Miſcellan. d. 1. n. 117.* At tamen certa & determinata Regula cuiuscuſque caſui applicabilis deſuper ſtatui non poſſit; plura ſiquidem, quam dicta cauſa requiſita ad id deſiderantur ea præſertim, ut antiquæ Eccleſiæ dignitas non vileſcat, ac etiam nova convenientem quoque dignitatem ſortiri & conſervare valeat. Quod ipſum pro regionum moribus Regulam recipit; cum in una regione non dedecet, Eccleſias Cathedralis habere ſines breviffimos, in alia regione praxis ſit diverſa, & contra,
P. Leuren. Fori. Benef. Tom. III.

Card. de Luc. loc. cit. quæ eadem ſerè repetit ad *Trid. d. 16. n. 6.* de hac autem diœceſium diuiſione agere, & hæc examinare ſpectare ad Congregationem Conſiſtorialem, ait *cit. d. 1. in Miſcellan.* & ea frequenter in forma potiùs extrajudiciali & conſultativa diſputari, & examinari ſolere in dicta Congregatione, ait ad *Trid. l. c.* vide eundem *deprement. d. 6.*

Quæſtio 962. Qua de cauſa, & qualiter procedi poſſit ad diuiſionem Provinciae Ordinis alicujus Religioſi?

Rpondeo *Card. de Luc. de Regular. d. 27. nu. 3. & 4.* eodem ſerè terminos adhibendos in diſmembratione, & diſiſione hujusmodi Provincia- rum, qui adhibentur in materia diſiſionis Eccleſiarum Parochialium; cum & hæc diſiſio ſit alienatio prohibita cadens ſub terminis *Extrav. ambitioſas* exigere non ſolum ſolemnitates conſiſtentes in beneplacito Apoſtolicò, & in conſenſu intereſſatorum, ſed etiam juſtam cauſam neceſſitatis, cui aliàs opportunè provideri non poſſit; quòdque verificentur duo extrema: nempe primò, ut antiquæ Provinciae dignitas per hujusmodi diſiſionem non vileſcat, ſed in congruo ſuo ac decenti ſtatu remaneat. Secundò ut novum corpus illud, ſeu nova Provincia cum debita decencia conſtitui valeat, ne aliàs vilipendendi ratio eadè, quæ in Parochialium, vel etiam diœceſium diſiſione intrer. Porro de diſiſione unius Religionis ab alia vide eund. *Card. de Luca. de Regular. d. 5. per tot.*

PARAGRAPHVS II.

De Alteratione, & Suppreſſione Beneficiorum.

Quæſtio 963. Quid hic veniat nomine alterationis, ſeu mutationis beneficiorum?

Rpondeo: Variam ſpectari poſſe beneficiorum alterationem, quarum alia extrinſeca, alia magis intrinſeca videtur, ut dum beneficium de ſubjecto Jurispatronatûs tranſit in liberum, vel contra. Qui tranſitus qualiter contingat, ſatis conſtat ex dictis de *jurep.* Item dum annexa beneficium in ejus fundatione & erectione onera mutantur, demuntur, aggravantur; ſic enim quaſi extrinſecè dici poſſit mutari beneficium, de quo etiam dictum a *libi*, ubi de erectione beneficiorum. Alia magis intrinſeca mutatio eſt, dum ſimplex in curatum, aut dignitatem, regulare tranſit in ſeculare, vel contra; de quo poſtremo dictum ad initium *part. 1.* ubi de natura & diſiſione beneficii. Nominè verò alterationis Eccleſiarum magis ordinariè venire ſolet ea mutatio, quæ Eccleſia aliqua (intellige, in qua eſt Congregatio aliqua Clericorum) Regularis mutatur in ſecularem, vel contra, Eccleſia aliqua Collegiata purè in Cathedralis, Cathedralis in Metropolitanam, Parochialis in Collegiatam, ſimplex in Parochialem, Conventualis unius Ordinis in Conventualis diverſi inſtituti & profeſſionis. *Azor p. 2. l. 6. c. 30. q. 1.* Alterari quoque ſtatum Eccleſiarum, præcipuè curatarum, ſive ſint Collegiatæ, ſive ſimplices, tribus nempe ſectione ſeu diſmembratione, ſuppreſſione, & unione beneficiorum, ait *Lott. l. 1. q. 28. n. 1.*

Quæſtio 964. Penes quem ſit poteſtas alterandi Eccleſias modo dicto?

Rpondeo primò: Mutandi Eccleſiam Parochialem, vel etiam purè Collegiatam, aut
 Qq 2 quam